



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՈՒՐԴ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՐԴԻ 2023 ԹՎԱԿԱՆԻ ՀՈՒՆՎԱՐԻ 5-Ի ԹԻՎ 1/21-Լ ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հայաստանի Հանրապետության փաստաբանների պալատի (**այսուհետ նաև Պալատ**) խորհուրդը, մասնակցությամբ Պալատի խորհրդի նախագահ Սիմոն Բաբայանի, խորհրդի անդամներ՝ Էմին Բեգլարյանի, Գայանե Դեմիրջյանի, Ռուբեն Հակոբյանի, Արսեն Հարությունյանի, Լիլիթ Ղազանջյանի, Կարեն Մեժլումյանի և Մարինե Ֆարմանյանի,

ղեկավարվելով «Փաստաբանության մասին» օրենքի 10-րդ հոդվածի 4-րդ մասի 11-րդ մասի, «Նորմատիվ իրավական ակտերի մասին» օրենքի 34-րդ հոդվածի 1-ին մասի, ինչպես նաև Հայաստանի Հանրապետության փաստաբանների պալատի կանոնադրության 16.5-րդ կետի 12-րդ ենթակետի պահանջներով,

միաձայն

Ո Ր Ո Շ Ե Ց՝

1. Պալատի խորհրդի 2023 թվականի հունվարի 5-ի «ՀՀ փաստաբանների պալատի կարգապահական հանձնաժողովի գործունեության կարգը հաստատելու մասին» թիվ 1/21-Լ որոշման մեջ կատարել փոփոխություններ և լրացումներ՝ համաձայն հավելվածի:

2. Սահմանել, որ սույն որոշմամբ կատարված փոփոխություններն ու լրացումները տարածվում են մինչ այդ հարուցված ընթացիկ կարգապահական վարույթների նկատմամբ:

Հայաստանի Հանրապետության
փաստաբանների պալատի
խորհրդի նախագահ՝

Սիմոն Բաբայան

20 հոկտեմբերի 2023թ.

թիվ 22/5-Լ

ք. Երևան

Հավելված՝
Հայաստանի Հանրապետության
փաստաբանների պալատի խորհրդի
20.10.2023թ. թիվ 22/5-Լ որոշման
խորհրդի նախագահ՝ Սիմոն Բաբայան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ
ԽՈՐՀՐԴԻ 2023 ԹՎԱԿԱՆԻ ՀՈՒՆՎԱՐԻ 5-Ի ԹԻՎ 1/21-Լ ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ**

1. Հայաստանի Հանրապետության փաստաբանների պալատի խորհրդի 2023 թվականի հունվարի 5-ի թիվ 1/21-Լ որոշմամբ հաստատված «Հայաստանի Հանրապետության փաստաբանների պալատի կարգապահական հանձնաժողովի գործունեության կարգ»-ում **(այսուհետ՝ Կարգ)** կատարել հետևյալ փոփոխությունները և լրացումները՝

1) Կարգի 21-րդ կետը լրացնել հետևյալ բովանդակությամբ նոր պարբերությամբ.

«Հանձնաժողովի նախագահը անհրաժեշտության դեպքում ստուգում է նիստին մասնակցող անձի ինքնությունը և/կամ լիազորությունները: Կողմի ներկայացուցիչը նիստին կարող է մասնակցել հասարակ գրավոր լիազորագրի հիման վրա:»:

2) Կարգի 45-րդ կետը շարադրել հետևյալ խմբագրությամբ.

«45. Կարգապահական գործը փաստաբանների պալատի կարգապահական հանձնաժողովի քննարկմանը ներկայացվելուց հետո՝ 10 օրվա ընթացքում, Հանձնաժողովի նախագահը նշանակում է գործը զեկուցող կարգապահական հանձնաժողովի անդամին՝ սույն կարգի 46-րդ կետով սահմանված կարգով:»:

3) Կարգի 47-րդ կետը շարադրել հետևյալ խմբագրությամբ.

«47. Հանձնաժողովը կարգապահական գործի քննությունն իրականացնում է Օրենքի 6-րդ գլխով սահմանված կարգով: Հանձնաժողովը, Օրենքի 39.11-րդ հոդվածի 8-րդ մասի 2-րդ կետով նախատեսված Պալատի խորհրդի որոշումը կայացվելուց և այն ստանալուց հետո, կարգապահական գործի քննությունն իրականացվում է այն ծավալով, որով վերացվել է կարգապահական Հանձնաժողովի բողոքարկված որոշումը:»:

4) Կարգի 48-րդ կետը լրացնել նոր նախադասությամբ.

«Հանձնաժողովն իրավունք ունի սեփական նախաձեռնությամբ կամ կողմի միջնորդությամբ վկա հրավիրել այն ֆիզիկական անձին, որին կարող է հայտնի լինել փոխյալ գործի լուծման համար նշանակություն ունեցող որևէ փաստի մասին տեղեկություն:»:

5) Որոշման հավելվածի 49-րդ կետը շարադրել նոր խմբագրությամբ.

«49. Քննարկման անհրաժեշտության դեպքում Հանձնաժողովի նախագահը Հանձնաժողովի բոլոր անդամներին տալիս է հարցերի հնարավորություն՝ հերկյալ հերթականությամբ և կարգով՝

- Ըստ հերթականության (Հանձնաժողովի նախագահի կողմից աջից ձախ)

յուրաքանչյուր Հանձնաժողովի անդամ (վերջում Հանձնաժողովի նախագահը) իրավունք ունի հարցեր փալ զեկուցողին՝ քննարկվող օրակարգային հարցի առարկայի շրջանակներում.

- հարցերի քանակը չի սահմանափակվում, բացառությամբ այն դեպքերի, երբ՝ (1) հարցերը կրկնվում են, (2) հարցն իր մեջ պարունակում է թաքնված ելույթ, (3) չի վերաբերվում քննարկվող հարցի առարկային, կամ (4) ունի վիրավորական կամ զրպարտչական բնույթ:

Խորհրդակցական սենյակում, քննարկման անհրաժեշտության դեպքում Հանձնաժողովի նախագահը Հանձնաժողովի բոլոր անդամներին փալիս է դիրքորոշում հայտնելու հնարավորություն՝ հետևյալ հերթականությամբ և կարգով՝

- Ըստ հերթականության (Հանձնաժողովի նախագահի կողմից աջից ձախ) Հանձնաժողովի յուրաքանչյուր անդամին փրվում է մեկ դիրքորոշում հայտնելու հնարավորություն՝ մինչև երեք թուպե փռողությամբ.

- Հանձնաժողովի անդամի դիրքորոշումը պետք է վերաբերվի բացառապես քննարկվող հարցի առարկային:»:

6) Կարգի 51-րդ կետում «դրույթները» բառից հետո լրացնել «, բացառությամբ Կարգի 49-րդ կետի 2-րդ պարբերության,» բառերը:

7) Կարգը լրացնել հետևյալ բովանդակությամբ նոր 54.1, 54.2 և 54.3 կետերով.

«54.1. Հանձնաժողովը՝ սեփական նախաձեռնությամբ կամ կարգապահական վարույթի կողմի առաջարկով, կարող է որոշում կայացնել կարգապահական վարույթը կասեցնելու մասին, եթե՝

1) փաստաբանը, ում նկատմամբ հարուցվել է կարգապահական վարույթը, գտնվում է կալանքի փակ.

2) փաստաբանը, ում նկատմամբ հարուցվել է կարգապահական վարույթը, դատարանի օրինական ուժի մեջ մտած վճռով ճանաչվել է անհայտ բացակայող.

3) փաստաբանը, ում նկատմամբ հարուցվել է կարգապահական վարույթը, զորակոչվել է ռազմական զորավարժությունների կամ զինվորական հավաքների.

4) կասեցվել է այն փաստաբանի արտոնագիրը, ում նկատմամբ հարուցվել է կարգապահական վարույթը.

5) անհնարին է փվյալ կարգապահական գործի քննությունը մինչև սահմանադրական, քաղաքացիական, քրեական կամ վարչական դատավարության կարգով քննվող այլ գործով կամ հարցով որոշում կայացնելը, բացառությամբ, երբ վիճարկվում է կարգապահական վարույթ հարուցելու մասին Փաստաբանների պալատի նախագահի որոշումը:

54.2 Կարգապահական վարույթը վերսկսվում է դրա կասեցման հանգամանքների վերանալուց և դրանց մասին Հանձնաժողովին հայտնի դառնալուց հետո 1 (մեկ) ամսվա ընթացքում: Հանձնաժողովը կարգապահական վարույթը վերսկսելու մասին կայացնում է որոշում, որը եռօրյա ժամկետում ուղարկվում է կարգապահական վարույթի կողմերին:

54.3 Կարգապահական վարույթը վերսկսելու վերաբերյալ միջնորդությունը մերժելու մասին Հանձնաժողովի որոշումը միջնորդություն ներկայացրած կողմը կարող է հինգ օրվա ընթացքում բողոքարկել խորհրդին:»:

8) Որոշման հավելվածի 55-րդ կետը շարադրել նոր խմբագրությամբ.

«55. Գործի քննությունն ավարտելուց հետո Հանձնաժողովի նախագահը հայտարարում է գործի քննությունն ավարտված և հայտնում է Հանձնաժողովի որոշման կայացման օրը: Հանձնաժողովը որոշումը կայացնում է Հանձնաժողովի նախագահի կողմից այդ նպատակով հրավիրված նիստում՝ խորհրդակցական սենյակում, որտեղ կարող են ներկա լինել միայն տվյալ գործը քննող Հանձնաժողովի կազմում ընդգրկված անդամները: Հանձնաժողովը կարող է որոշումը կայացնել նաև հարցի քննությունն ավարտելու օրը՝ խորհրդակցական սենյակում: Խորհրդակցական սենյակի քննարկումը չի արձանագրվում (չի ծայնագրվում):»:

9) Որոշման հավելվածի 57-րդ կետը լրացնել նոր նախադասությամբ.

«Ընդունված որոշման տեքստի բովանդակության հետ կապված հարցի դեպքում, Հանձնաժողովի նախագահը հիմք է ընդունում տվյալ որոշմանը կողմ քվեարկած Հանձնաժողովի անդամների մեծամասնության դիրքորոշումը: Այս դիրքորոշումը Հանձնաժողովի նախագահը կարող է ճշտել խորհրդակցական սենյակում կամ տեղեկատվական տեխնոլոգիաների կիրառմամբ:»:

10) Որոշման հավելվածի 62-րդ կետի 4-րդ ենթակետից հանել «և այդ հարցերի վերաբերյալ քվեարկության արդյունքները» բառերը:

11) Որոշման հավելվածի 63-րդ կետից հանել «և քվեարկության արդյունքները» բառերը:

12) Որոշման հավելվածը լրացնել հետևյալ բովանդակությամբ նոր 76-րդ կետով.

«76. Հանձնաժողովի անդամը հանդիսացող ՀՀ փաստաբանների պալատի աշխատակիցն օգտվում է անկախության ավելի բարձր երաշխիքից և պարտավոր է Հանձնաժողովի անդամի իր լիազորություններն իրականացնելիս գործել անկախ: Հանձնաժողովի անդամ հանդիսացող ՀՀ փաստաբանների պալատի աշխատակցի հետ աշխատանքային հարաբերությունները դադարեցնելու կամ աշխատանքային պայմաններն ի վնաս աշխատակցի փոփոխելու դեպքում, ՀՀ փաստաբանների պալատի նախագահը պետք է նախապես ստանա Հանձնաժողովի համաձայնությունը:»: